

醫宗必讀

七



水腫脹滿一葉

積聚二十葉

反胃噎塞三十二葉

瘧疾三十九葉

痢疾五十二葉

泄瀉六十四葉

醫宗必讀卷之七

雲間李中梓士材父著
門人包時化象蕃父參
姪孫李廷芳蘅伯父訂

水腫脹滿

黃帝曰脉之應於寸口如何而脹岐伯曰其脉
大堅以瀉者脹也邪盛則大邪實則堅瀉者氣
血虛而不流利也洪大之脉
陰氣必衰堅強之脉胃氣必
損故大堅以瀉病當為脹陰為藏陽為府脉
在陰則脹在藏脉
病在陽則脹在府夫脹者皆在於藏府之外排

藏府而郭胃腸脹皮膚故命曰脹胃腹者藏府之郭也臆中者心主之宮城也胃者太倉也咽喉小腸者傳送也咽喉傳送者自上而久胃之小腸傳送者自下而出胃之五竅者間里門戶也咽門賁門幽門闞門魄門間里巷門也里隣里也周禮五家為比五比為閭蓋二十五家也五家為軌十軌為里蓋五十家也言胃之五竅象如間里門戶廉泉玉英者津液之道也二穴即玉堂故五臟六府者各有畔界其病各有形狀營氣循脈衛氣逆為脈脹清者為營營行脈中其氣精專未即致脹濁者為衛衛行脈外其氣慄疾行于分肉之間故必由衛氣之逆而後病及于營則為脈

脹衛氣並脈循分為膚脹衛氣逆而並於脈復循分肉之間故為膚脹心脹者煩心短氣臥不安肺脹者虛滿而喘欬肝脹者脇下滿而痛引小腹脾脹者善噦四肢煩惋音羨惋悶亂也體重不能勝衣臥不安腎脹者腹滿引背央央然腰髀痛此五藏之脹也胃脹者腹滿胃脘痛鼻聞焦臭妨于食大便難大腸脹者腸鳴而痛濯濯冬日重感于寒則殮泄不化小腸脹者少腹臙音臙脹引腰而痛膀胱脹者少腹滿而氣癢三焦脹者氣滿于皮膚中輕輕然而不

堅膽脹者脇下痛脹口中苦善太息此大府之脹也濯濯

腸鳴水聲也氣壅者勝厥氣在下營衛留止寒

脫氣閉小水不通也

氣逆上真邪相攻兩氣相搏乃合為脹也厥逆之氣

自下而上營衛失常故真邪相攻而合為脹也

黃帝曰水與膚脹鼓脹腸覃石瘕石水何以別

之岐伯曰水始起也目窠上微腫如新臥起之

狀目下為窠微腫其頸脈動時欬頸脈足陽明

者形如臥蠶也故頸脈動水之標在肺故為時欬陰股間寒足

脛腫即腹乃大其水已成矣以手按其腹隨手

而起如裹水之狀此其候也以上皆水腫之候也○膚脹

者寒氣客於皮膚之間蹇蹇然不堅腹大身盡

腫皮厚蹇蹇鼓聲也寒氣客于皮膚之間陽氣

不行病在氣分故有聲如鼓氣本無形

故不堅氣無所不至故腹大身盡腫按其腹

若因于水則有水處腫無水處不腫按其腹

而不起腹色不變此其候也寒氣在膚腠之間

故宥而不起以其皮厚故腹色不變也○按此

上兩條以按其腹隨手而起者屬水宥而不起

者屬氣此固然也然氣亦有隨手而起者水亦

有宥而不起者未可以起與不起為的辨但當

察皮厚色蒼或一身盡腫或自上而下者多屬

氣若皮薄色澤或腫有分界或自下而上者多屬水○鼓脹者腹脹身皆大大與膚脹等也色蒼

黃腹筋起此其候也

內傷脾腎心腹脹滿且食則不能暮食中空無物腹

皮細急其象如鼓故名鼓脹其狀與上文膚脹無異但腹有筋起為別○膚脹屬肺鼓脹屬脾

○腸覃者寒氣客於腸外與衛氣相搏氣不得

榮因有所繫癥而內著惡氣乃起瘕肉乃生

布而深也寒氣與衛氣相搏則畜積不行其始

置于腸外有所繫著故癥積起瘕肉生也

生也大如雞卵稍以益大至其成如懷子之狀

久者離歲按之則堅推之則移月事以時下此

其候也 離歲越歲也寒邪客于腸外不在胞中故無妨于月事其非血病可知蓋由汁沫所聚

○石瘕生于胞中寒氣客于子門子門

閉塞氣不得通惡血當寫不寫以留止日以

益大狀如懷子月事不以時下皆生于女子可

導而下 血凝敗之血也子門閉塞則血留止其堅如石故曰石瘕可以導血之劑下

也 帝曰其有不從毫毛生

于病生五藏陽以竭也津

液充郭其魄獨居孤精于內氣耗于外形不可

與衣相保此四極急而動中是氣拒于內而形

施于外治之奈何 道氣為陽竭則不能通調水

氣而魄藏焉無氣則魄獨居形體腫脹不可與衣相保四肢腫急喘而動中是氣逆而拒于內

形大而施于外。岐伯曰平治于權衡去菀陳莖微動四極溫衣繆刺其處以復其形開鬼門潔淨府精以時服五陽以布疎滌五藏故精自生形自盛。骨肉相保巨氣乃平。權衡陰陽各得其平菀者積也陳者久也莖者腐也陰陽平治水氣自去微動四極者運動四肢也。溫則水氣易行故須溫衣不拘隧穴名曰繆刺。勝理謂之鬼門膀胱謂之淨府開者發汗也。滌者滲利也。陽氣既和陰精時服由是五陽宣布。陰水盡滌精血自生形肉自盛。骨肉與衣相保。大氣平矣。此章言胃土陽虛不能制水溢之陰也。岐伯無石水之對必有缺文。陰陽別論曰陰陽結邪多陰少陽曰石水少腹腫其脉當沉。愚按內經之論腫脹五藏六府靡不有之詳考

全經如脉要論曰胃脉實則脹病形篇曰胃病者腹臘脹本神篇曰脾氣實則腹脹溼溲不利。應象論曰濁氣在上則生臘脹此四條皆實脹也。太陰陽明論曰飲食起居失節入五藏則臘滿閉塞師傳篇曰足太陰之別公孫虛則鼓脹此二條皆虛脹也。經脉篇曰胃中寒則脹滿方宜論曰藏寒生滿病風論曰胃風鬲塞不通失衣則臘脹此三條皆寒脹也。六元正紀至真要等論有云太陰所至為臘腫及土鬱之發大陰

之初氣大陰之勝復皆濕勝之腫脹也或曰水運太過或曰寒勝則浮或曰太陽司天太陽勝復皆寒勝之腫脹也或曰少陰司天少陰勝復少陽司天少陽勝復或曰熱勝則腫皆火勝之腫脹也或曰厥陰司天在泉厥陰之復或曰陽明之復皆木邪侮土及金氣反勝之腫脹也由是則五運六氣亦各有腫脹矣然經有提其綱者曰諸濕腫滿皆屬于脾又曰其本在腎其末在肺皆聚水也又曰腎者胃之關也關門不利

故聚水而從其類也可見諸經雖皆有腫脹無不由于脾肺腎者蓋脾土主運行肺金主氣化腎水主五液凡五氣所化之液悉屬于腎五液所行之氣悉屬于肺轉輸二藏以制水生金者悉屬于脾故腫脹不外此三經也但陰陽虛實不可不辨大抵陽證必熱熱者多實陰證必寒寒者多虛先脹于內而後腫于外者為實先腫于外而後脹于裏者為虛小便黃赤大便秘結為實小便清白大便溏泄為虛滑數有力為實

弦浮微細為虛色紅氣粗為實色悴聲短為虛
凡諸實證或六淫外客或飲食內傷陽邪急速
其至必暴每成于數日之間若是虛證或情志
多勞或酒色過度日積月累其來有漸每成于
經月之後然治實頗易理虛恒難虛人氣脹者
脾虛不能運氣也虛人水腫者上虛不能制水
也水雖制于脾實則統于腎腎本水藏而元陽
寓焉命門火衰既不能自制陰寒又不能溫養
脾土則陰不從陽而精化為水故水腫之證多

屬火衰也丹溪以為濕熱宜養金以制木使脾
無賊邪之患滋水以制火使肺得清化之權夫
制火固可保金獨不慮其害土乎惟屬熱者宜
之若陽虛者豈不益其病哉更有不明虛實專
守下則脹已之一法雖得少寬于一時真氣愈
衰未幾而腫脹再作遂致不救殊可嘆也余于
此證察其實者直清陽明反掌收功苟涉虛者
溫補脾腎漸次康復其有不大實亦不大虛者
先以清利見功繼以補中調攝又有標實而本

虛者瀉之不可補之無功極為危險在病名有
鼓脹與蠱脹之殊鼓脹者中空無物腹皮細急
多屬于氣也蠱脹者中實有物腹形充大非蠱
即血也在女科有氣分與血分之殊氣分者心
胸堅大而病發于上先病水脹而後經斷血分
者血結胞門而病發于下先因經斷而後水脹
在治法有理肺與理脾之殊先喘而後脹者治
在肺先脹而後喘者治在脾以上諸法此其大
畧也若夫虛實混淆陰陽疑似貴在臨證之頃

神而明之其免于實實虛虛之害乎 四肢不腫但腹脹者

名單腹脹難愈

女證 腹脹身熱者死 腹脹寒熱如瘧者死

腹大脹四末清脫形洩甚為逆 腹脹便血脈

大時絕者死 以上脹滿 唇黑或腫肝傷 缺盆平

心傷 臍突脾傷 足心平腎傷 背平肺傷

五傷者死 陰囊及莖腫腐者死 瀉後腹脹

而有青筋者死 大便滑泄水腫不消者死

水腫先起于腹後散四肢者可治先起于四肢

後歸于腹者，以上水腫

脈法 盛而緊 大堅以瀉 遲而滑皆脹滿

沉而滑 浮而遲 弦而緊皆水腫 二病之

脈實大者可治虛微者難治



太學何宗魯夏月好飲水，一日太宗師發放，自蚤起候至未申為炎威所逼，飲水計十餘碗歸寓便脹悶不能食，越旬日腹如抱甕氣高而喘求治于余，余曰皮薄而光水停不化也，且六脈

堅實其病暴成法當利之遂以舟車丸每服三錢香薷湯送再劑而二便湧決如泉復進一錢五分腹減如故用六君子十貼即愈

徽州方太和大怒之後復大醉至明日目下如臥蠶居七日而肢體皆腫不能轉側二便不通煩悶欲絕余診之脈沉且堅當逐其水用疎鑿飲子一服而二便快再服而四肢寬更以五皮飲服三日隨愈以上二案水腫實證

武林文學錢賞之酒色無度秋初腹脹冬秋遍

體腫急臍突背平在法不治迎余治之舉家叩首求救哀迫余曰我非有起死金丹但當盡心力而圖之耳即用金匱腎氣丸料大劑煎服兼進理中湯服五日無效余欲辭歸矣其家曰自知必死但活一日則求一日之藥即使不起安敢歸咎乎勉用人參一兩生附子三錢牛膝茯苓各五錢三日之間小便解下約有四十餘碗腹有縐紋舉家拜曰皆再造之恩也約服人參四斤附子一斤薑桂各一斤餘半載而瘥此水腫之

虛者

都憲李來吳積勞多鬱肢體脹滿以自知醫輒用胃苓湯加枳殼三月以來轉加痞悶余診其脈沉濇而軟視其色黃白而枯此虛證也宜大溫大補始猶不信爭之甚力僅用參二錢稍覺寬舒欲加桂附執不肯從余曰證坐虛寒喜行攻伐已見既堅良言不納雖有扁倉豈能救耶越兩月果歿此氣脹之虛者錦衣太傅徐澹寧稟昇素壯病餘肥甘過度腹

脹氣粗余診之脉盛而滑按之不甚虛宜以利
氣之劑少佐參朮惑于多岐之說且暮更醫余
復診曰即畏參不用攻擊之劑決不可投也後
與他醫商之仍用理脾疎氣之劑而安此氣脹
之不實
亦不大
虛者

光祿卿吳伯玉夫人患腹滿而痛喘急異常大
便不通飲食不進醫者用理氣利水之劑二十
日不效余診之脉大而數右尺為甚令人按腹
手不可近余曰此大腸癰也脉數為膿已成用

黃耆皂刺白芷之類加葵根壹兩煎一碗頓服
之未申痛甚至夜半而膿血大下昏暈不支即
與獨參湯稍安更與十全大補一月而愈此似
實非者

五皮飲治脾肺不能運行氣
滿皮膚水停不利

大腹皮 洗 赤茯苓皮 生薑皮

陳皮 桑白皮炒各一
錢五分

水鍾半煎八分日進三服

胃苓湯方見
泄瀉

香蘇散 治水氣虛腫小便赤澀

橘紅去白 防已 木通

紫蘇葉各一錢

水鍾半薑三片煎八分服

實脾飲 治陰水發腫用以實脾

厚朴薑汁炒 白朮炒 木瓜

大腹子 附子炮 木香忌火

草果 白茯苓 乾薑各一錢

水鍾半薑五片煎七分服

復元丹 治脾腎俱虛遍身水腫小便不通

附子炮二兩 木香煨 茴香炒

川椒炒出汗 厚朴薑汁炒 獨活

白朮炒 橘紅 吳茱萸炒

桂心各一兩 澤瀉二兩 肉果煨

檳榔各五錢

為末糊丸桐子大每服三錢紫蘇湯送下

金匱腎氣丸 治肺脾腎俱虛遍身腫脹小便不利痰氣喘急非此藥不救

白茯苓四兩 附子炮七錢 川牛膝

醫宗心法卷之七

肉桂 去皮

澤瀉 去皮

車前子

山茱萸 去核

山藥

牡丹皮 各一兩

熟地黄 四兩酒浸作膏

蜜丸桐子大每服四五錢空心白湯下

補中益氣湯

方見類中風

理中湯

方見傷寒

導水茯苓湯

治遍身水腫喘滿小便秘澁諸藥不效者用此即愈

赤茯苓

麥門冬 去心

澤瀉

白朮 各三兩

桑白皮

紫蘇

檳榔

木瓜 各一兩

大腹皮

陳皮

砂仁

木香 各七錢半

右為粗末每服五錢水二鍾燈草二十五根煎八分服連進三服小水漸利

沉香琥珀丸 治水肿小便閉

琥珀

杏仁 去皮尖炒

紫蘇

赤茯苓

澤瀉 各五錢

葶藶 炒

郁李仁 去皮

沉香 各一兩五錢

陳皮 去白

防已 各七錢五分

為末蜜丸梧子大以麝香為衣每服二錢五

分加至五錢空心人參湯送下

疏鑿飲子 治通身水腫喘呼氣急煩躁多渴大小便不通服熱藥不得者

澤瀉

商陸

赤小豆

羌活 去蘆

大腹皮

椒目

木通

秦艽 去蘆

茯苓皮

檳榔 各一錢

水鍾半薑五片煎九分服

敷藥 治腹滿如石或陰囊腫大先用甘草嚼後用此

大戟

芫花

甘遂

海藻 各等分

右為細末用醞醋調麵和藥攤于綿紙上覆貼腫處仍以軟綿裹住

小胃丹

芫花

醞拌一宿用器內炒黑不可焦 甘遂 長流水浸半日煮晒乾

大戟

長流水煮再用水洗晒各五錢 大黃 濕毒裹煨切酒炒一兩五錢

黃蘗

炒三兩

右為細末以白木膏丸如蘿蔔子大臨臥白湯送下每服一錢欲利空心服

十棗湯

見傷寒

醫宗必讀 卷之十一

舟車神祐丸 去一切水濕痰飲如神

甘遂 荒花 大戟 各一兩 俱醋炒

大黃 二兩 黑牽牛 頭末 四兩 青皮

陳皮 木香 檳榔 各五錢

輕粉 一錢

為細末水先椒自大空心服五九日三服痞悶者多服反煩滿宜初服二九每服加二九快利為度戴人每令病者先服百餘粒繼以潯川等藥投之五更當下種種病出輕者一

二度重者五六度方愈藥雖峻急為效極神弱者當依河間漸次進實者依戴人治之

大聖瀉川散

大黃 煨 牽牛 取頭 郁李仁 各一兩

木香 二錢 芒硝 三錢 甘遂 五分

評曰諸濕為土火熱能生濕土故夏熱則濕秋涼則燥嘗考戴人治法假令肝木乘脾土土不勝木求救于子巳土能生庚金味辛者為金大加生薑使伐肝木然不開脾土無由

行也先以舟車丸通其閉塞之路瀉其所不勝後以薑汁調瀉川散大下之是瀉其所勝也戴人每言導水丸必用禹功散繼之舟車丸必以瀉川散繼之

神芎導水丸 治一切因熱積聚

黃芩 一兩 黃連 川芎

薄荷 各五錢 大黃 二兩 滑石

黑丑 頭末各四兩

為末水丸有血積者加桂五錢

加味枳朮湯 治氣為痰飲所隔心下堅脹名曰氣分

枳殼 熱炒 官桂 去皮 紫蘇

陳皮 檳榔 桔梗

白朮 炒 五靈脂 炒 木香 各八分

半夏 薑製 茯苓 甘草 各四分

水一鍾生薑二片煎一鍾服

椒仁丸 治先因經水斷絕後至四肢浮腫小便不通血化為水

椒仁 甘遂 續隨子 去皮 研

附子 炮 郁李仁 黑牽牛 炒

醫宗金鑑卷之七

五靈脂 研

當歸

吳茱萸

玄胡索 各五錢

芫花 醋浸

阮青 十枚去頭

蟹螯 十枚製

膽礬 同阮青

信砒 各一錢

石膏 一錢

為末糊丸雞豆大每服一丸橘皮湯下藥雖峻厲所用不多畏而不服有養病害身之患

鷄矢醴法

鷄鷄矢 八合炒微焦

無灰好酒二碗煎至碗半濾取汁五更熱飲

則腹鳴辰巳時行二三次黑水次日足有縞紋又飲一次漸縞至膝上而愈

雞金散

雞裏金 一具 煨 真沉香 二錢 砂仁 三錢

陳香櫟 去白 五錢

為末每用一錢五分薑湯下虛者參湯下

中滿分消丸 治中滿熱脹有寒者忌服

黃芩 去腐炒 一兩 黃連 炒 五錢 薑黃

白朮 炒 人參 去蘆 甘草 炙

醫心方卷之七

猪苓

去皮各一錢

白茯苓

去皮

乾生薑

砂仁

各二錢

枳實

炒

半夏

泡各五錢

厚朴

薑炒一兩

知母

炒四錢

澤瀉

陳皮

各三錢

為末蒸餅丸如桐子大每服百丸白湯下

中滿分消湯

治中滿寒脹熱者忌用

黃耆

炒

吳茱萸

炒

厚朴

薑製

草豆蔻

黃檗

各五分

益智仁

半夏

製

茯苓

木香

升麻

各三分

人參

青皮

炒

當歸

黃連

炒

澤瀉

生薑

麻黃

不去節

柴胡

乾薑

炒

川烏

革澄茄

各二分

水二鍾煎一鍾服

禹餘糧丸

許學士朱丹溪皆贊此方為水脹之聖藥

蛇含石

大者三兩鐵銚盛燒通紅鉗取出傾入醋中候冷取出研極細

禹餘糧石

三兩真針砂五兩海淨炒乾用醋乾更用銚并藥燒紅傾淨磚地上候極細

乾更用銚并藥燒紅傾淨磚地上候極細

羌活

醫心方

卷之七

六

腫脹

醫宗少微 卷之十

木香

茯苓

川芎

牛膝 酒浸

桂心

白豆蔻

大茴香 炒

蓬朮 炮

附子 炮

乾薑 炮

青皮

京三稜 炮

白蒺藜

當歸 酒浸各五錢

為末入前三味拌勻蒸餅丸如桐子大食前白湯下三十丸至五十丸前三味非甘遂芫花之比又有各項藥扶持虛人老人亦可服也最忌鹽一毫入口發疾愈甚服藥後即於

小便內旋去不動藏府每白三服更以溫補之藥助之真神方也

土狗一名瓔蛄 焙乾為末用上半節即消上身可消左右可消右方士以此為神奇

醫宗少微 卷之十

丸 腫脹

積聚

靈樞曰喜怒不節則傷藏藏傷則病起于陰也
 清濕襲虛病起于下風兩襲虛病起于上喜怒不節
內傷于藏故起于陰清濕襲虛陰邪之在表也故起于下風兩襲虛陽邪之在表也故起于上
 虛邪之中人也始于皮膚腠理開邪從毛髮入
 着孫絡之脉往來移行腸胃之間濯濯有音寒
 則脹滿雷引故時切痛孫絡脉之細者有水則濯濯有聲動而得也
寒則雷鳴相引 著陽明之經挾臍而居飽則大
不動亦得也 著于緩筋飽則痛饑則
饑則小則大飢則小也 著于緩筋飽則痛饑則

安緩筋在明肉之間故與陽明之積同著于腸胃之募原痛而外
 連于緩筋飽則安饑則痛募原者皮裏膜外也著于伏衝
 之脉揣之應手而動發手則熱氣下于兩股如
 湯沃之狀伏衝即衝脈之在脊者以其最深故其下行者注少陰之大絡出于氣衝循陰股內廉入膈中故揣按則應手而動起手則熱氣下行著于脊筋在腸後者饑則積見飽則不見按
 之不得管筋在脊內故居腸胃之後饑則腸空故積可見飽則腸滿蔽之故積不可見也著于輪之脉者閉塞不通津液不下孔竅乾
 壅凡諸輪火皆經氣聚會之處所以通血氣若不通則津液乾壅此以上謂風雨襲陰之

虛病起于上而積生也
 積之始生得寒乃生厥乃成積也厥氣生足
 足倦生脛寒脛寒則血脉凝滯寒氣上入于腸
 胃則膜脹膜脹則腸外之汁沫迫聚不得散日
 以成積厥者逆也寒逆于下故生足倦言肢節痛而不利也血受寒則凝滯漸入腸胃則陽氣不化故為膜脹腸外汁沫不散則日以成積卒然多食飲則腸滿
 起居不節用力過度則絡脉傷陽絡傷則血外
 溢血外溢則衄血陰絡傷則血內溢血內溢則
 後血腸胃之絡傷則血溢于腸外腸外有寒汁

沫與血相搏則并合凝聚不得散而積成矣傷食腸胃汁溢膜外與血相搏乃成食積又或用刀傷陰陽之絡以動其血血得寒沫相聚腸外乃成血積貪口腹妄作勞者多有之卒然外中于寒若內傷于憂怒則氣上逆六輸不通溫氣不行凝血蘊裹而不散津液瀦滲著而不去而積皆成矣寒邪中于外喜怒傷其內氣因寒逆則大經之輸不通溫煖之氣不行陰血凝聚血因氣逆而成積此性情乖戾者多有之積之始生節寒氣下逆而成積卒然多食節飲食起居而成積卒然外中節情志外傷挾寒成積合三節而言總是清濕襲陰之虛病起于下而成積也

難經曰積者五藏所生其始發有常處其痛不離其部上下有所終始左右有所窮處聚者六府所成其始發無根本上下無所留止其痛無常處 肝之積名曰肥氣在左脇下如覆杯令人嘔逆或兩脇痛引小腹足寒轉筋 肺之積名曰息賁在右脇下如覆杯氣逆背痛久則喘咳 心之積名曰伏梁起臍上大如臂上至心下久則令人煩心 脾之積名曰痞氣在胃脘大如覆杯痞塞吐泄久則飲食不為肌膚 腎之積名曰贲豚發于少腹上至心若豚狀上下

無時久則喘逆骨痿少氣 癥者按之應手亦
如五積之不移 瘕者假物成形如血釐石瘕
之類 疝皮厚也在肌肉之間而可見者也
癰者僻也內結于隱僻外不可見也
愚按積之成也正氣不足而後邪氣踞之如小
人在朝由君子之衰也正氣與邪氣勢不兩立
若低昂然一勝則一負邪氣日昌正氣日削不
攻去之喪亡從及矣然攻之太急正氣轉傷初
中末之三法不可不講也初者病邪初起正氣

尚強邪氣尚淺則任受攻中者受病漸久邪氣
較深正氣較弱任受且攻且補末者病魔經久
邪氣侵凌正氣消殘則任受補蓋積之為義日
積月累匪朝伊夕所以去之亦當有漸太亟則
傷正氣正傷則不能運化而邪反固矣余嘗製
陰陽二積之劑藥品稍峻用之有度補中數日
然後攻伐不問其積去多少又與補中待其神
壯則復攻之屢攻屢補以平為期此余獨得之
訣百發百中者也經曰大積大聚其可犯也衰

其半而已故去積及半純與甘溫調養使脾土健運則破殘之餘積不攻自走必欲攻之無餘其不遺人天殃者鮮矣經曰壯者氣行即愈怯者著而為病潔古云壯盛人無積虛人則有之故當養正則邪自除譬如滿座皆君子一一小人自無容身之地雖然此為輕淺者言耳若大積大聚不搜而逐之日進補湯無益也審知何經受病何物成積見之既確發直入之兵以討之何患其不愈兵法云善攻者敵不知其所守

是亦醫中之良將也夫

脉候

堅強者生虛弱者死細沉附骨者積脉也

沉而有力為積 脉沉緊者有寒積 脉浮而牢積聚也

醫案

襄陽郡守于鑑如在白下時每酒後腹痛漸至堅硬得食輒痛余診之曰脉浮大而長脾有太積矣然兩尺按之軟不可峻攻令服四君子湯七日投以自製攻積丸三錢但微下更以四錢

服之下積十餘次皆黑而靱者察其形不倦又
進四錢于是腹大痛而所下甚多服四君子湯
十日又進丸藥四錢去積三次又進三錢而積
下遂至六七碗許脉大而虛按至關部豁如矣
乃以補中益氣調補一月全愈

親家王部王漢梁鬱怒成痞形堅而痛甚攻下
太多遂泄瀉不止一晝夜計下二百餘次一月
之間肌體骨立神氣昏亂舌不能言已治終事
待斃而已余診之日在證雖無活理在脉猶有

生機以真藏脉不見也舉家喜曰諸醫皆曰必
歿何法之治而可再起耶余曰大虛之候法當
大溫大補一面用枯礬龍骨栗殼樗根之類以
固其腸一面用人參二兩熟附五錢以救其氣
三日之間服參半斤進附二兩瀉遂減半舌轉
能言更以補中益氣加生附子乾薑併五貼為
一劑一日飲盡如是者一百日精旺食進瀉減
十九然每日夜猶下四五行兩足痿廢用仙茅
巴戟丁附等為丸參附湯並進計一百四十日

而步履如常痞瀉悉愈向使委信不專有一人
參以他說有片語畏多參附安得有再生之日
哉詳書之以爲信醫不專者之藥石

社友姚元長之內久患痞積兩年之間凡攻擊
之劑無遺用矣而積未盡除形體尪羸余聞之
而告其友曰積消其半不可伐已但用補湯元
氣一復病崇全祛耳元長信之遂作補丸服畢
而痞果全消踰二年調理失宜胸腹痛甚醫者
以痛無補法用理氣化痰之藥痛不少衰余診

之大而無力此氣虛也投以歸脾湯加人參二
錢其痛立止

給諫侯啓東腹中嘈痛余按其左脇手不可近
凡飲食到口喉間若有一物接之者然余曰脉
大而數腹痛嘔涎面色痿黃此虛而有濕濕熱
相兼蟲乃生焉當煎人參湯送檳黃丸以下蟲
積蟲若不去雖服補湯竟何益乎豫瞻先生畏
謹之至不敢輕投終莫能起

便倉法

肥嫩牡黃牛肉三十斤切小塊去筋

膜長流水煮爛濾去滓取汁入鍋中慢火熬至琥珀色則成矣先令病人斷慾食淡前一日本食夜飯設一室明快而不通風置穢桶瓦盆貯吐下之物另置磁盆盛所出之溺病者入室飲汁積至一二十杯寒則重湯溫而飲之飲急則吐多飲緩則下多先急後緩吐利俱多因病之上下而為之活法也以去盡病根為度吐下後必渴不得與湯以自出之溺飲之非惟止渴抑且澆灌餘垢倦睡覺饑先與稠米湯次與淡稀

粥一日後方少與菜羹次與厚粥調養一月沉疴悉安以後忌牛肉數年積久形成依附腸胃回薄曲折處自非刮腸剖骨之神可以丸散犯其藩牆乎肉液充滿流行有如洪水泛漲浮槎陳朽皆順流而下不可停留凡屬礙滯一洗而空

新製陰陽攻積丸

治五積六聚七癥八瘕痞癖
蟲血痰食不問陰陽皆效

吳茱萸 泡

乾薑 炒

官桂 去皮

川烏 炮各一兩

黃連 炒

半夏 洗

醫宗必讀 卷之七

橘紅

茯苓

檳榔

厚朴炒

枳實炒

菖蒲忌鐵

玄胡索炒

人參去蘆

沉香

琥珀另研

桔梗各八錢

巴霜另研五錢

右為細末，皂角六兩煎汁，泛為丸，如菽豆大，每服八分，漸加一錢五分，生薑湯送下。

千金硝石丸

硝石六兩

大黃八兩

人參

甘草各三兩

為細末，用三年苦酒三升，置器中，以竹片作準，每入一升，刻一痕，先入大黃，不在手攪，使微沸，盡一刻，乃下餘藥，又盡一刻，微火熬，在梧子大，每服三十丸，忌風冷，宜軟粥將息。

肥氣丸

治肝之積在左脇下

春夏加黃連五錢

柴胡二兩

黃連七錢

厚朴五錢

椒去閉口者，炒四錢

甘草炙三錢

廣茂炮

昆布

人參各二錢半

皂角去皮弦子，煨

茯苓各一錢半

川烏炮一分

乾薑

醫宗必讀

卷之七

天

積聚

醫宗金鑑 卷之七

巴霜 各五分

除茯苓皂角巴豆為細末另研茯苓皂角為末和勻方入巴豆蜜丸桐子大初服二九一日加一丸二日加二丸漸加至大使微溏再從兩丸加服積去大半勿服

息賁丸 治肺之積在右脇下

- 厚朴 薑炒 八錢
- 黃連 炒一兩 三錢
- 人參 去蘆 二錢
- 乾薑 炮
- 茯苓 另未
- 川椒 炒去汗
- 紫菀 去苗一分 錢五分
- 桂枝
- 桔梗

京三稜 炮

天門冬

陳皮

川烏 炮

白豆蔻 各一錢

青皮 五分

巴霜 四分

丸法服法俱同肥氣丸

伏梁丸 治心之積起臍上

- 黃連 一兩 五錢
- 人參
- 厚朴 薑製各 五錢
- 黃芩 三錢
- 肉桂
- 茯苓神
- 丹參 炒各 一錢
- 川烏 炮
- 乾薑 炮
- 紅豆
- 菖蒲
- 巴豆霜 各五分

醫宗金鑑

卷之七

二五

積聚

醫宗必讀 卷之七

丸服法同肥氣丸

痞氣丸 治脾之積在胃脘

厚朴 薑炒 五錢 黃連 八錢 吳茱萸 炮 三錢

黃芩 白朮 各二錢 茵陳 酒炒

砂仁 乾薑 炒各一錢五分 茯苓 另末

人參 澤瀉 各一錢 川烏 炮

川椒 各五分 巴霜 另研 桂 各四分

丸服法同肥氣丸

奔豚丸 治腎之積發于小腹上至心下

厚朴 薑製 七錢 黃連 炒 五錢 苦楝子 酒煮 三錢

茯苓 另末 澤瀉 菖蒲 各一錢

玄胡索 一錢五分 附子 全蝎

獨活 各一錢 烏頭 炮 丁香 各五分

巴霜 四分 肉桂 二分

丸服法同肥氣丸 秋冬另加厚朴五錢

三聖膏

石灰 十兩 篩過 極細 炒紅

用好醋熬成膏入大黃末一兩官桂末五錢

醫宗必讀 卷之七 三十 積聚

醫宗公讀 卷之七

攪勻瓦器封貯紙攤烘煖貼患處

補中益氣湯 方見類中風 四君子湯 歸脾湯 十

全大補湯 三方俱見虛癆

酒積 輕者葛根神麴黃連白豆蔻甚者用甘

遂牽牛

氣積 輕者木香枳殼厚朴橘紅甚者枳實牽

牛

血積 輕者乾漆桃仁牡丹歸尾赤芍藥紅花

甚者大黃蟲蟲水蛭穿山甲花蕊石

痰積 輕者半夏瓜萋甚者滾痰丸老痰海石

尾楞子痰在皮裏膜外白芥子

水積 輕者五苓散甚者商陸甘遂芫花

輕者薑黃芝蔴甚者茱史椒薑

輕者三稜蓬朮甚者巴霜大黃

輕者麥芽穀芽神麴砂仁甚者雞內金

輕者山查阿魏甚者礪砂硝石

白豆寇橘紅豆豉薑汁

丁香肉桂麝香

醫宗心法卷之十一

蘿蔔子薑酒煎

紫蘇橘皮木香薑汁白馬屎治龍積

杏仁山查

雄黃錫灰檳榔雷丸蕪荑樞子使君子

鼈甲草果

麩積

魚龍積

狗肉積

蟲積

瘧積

反胃噎塞

噎塞者食不得入是有火也反胃者食入反出是無火也

內經曰三陽結謂之膈

三陽者大腸小腸膀胱也結者結熱也小腸結

熱則血脈燥大腸結熱則後不圓膀胱結熱則津液涸三陽俱結前後秘瀉下既不通必反上行此所以噎食不下從下而復出也

黃帝針經云胃病者膈咽不通飲食不下

咽者嚥物

之門戶膈者心肺之分野不通者濁氣在上腎用吸入之陰氣不得下而反在上也病在于胃

愚按反胃噎膈總是血液衰耗胃脘乾槁槁在

上者水飲可行食物難入名曰噎塞槁在下者

食雖可入良久復出名曰反胃二證總名為膈

醫宗心法

卷之十一

五

反胃噎膈

故內經止有二陽結謂之膈一語潔古分吐證為三端上焦吐者皆從于氣食則暴吐中焦吐者皆從于積或先吐而痛或先痛而吐下焦吐者皆從于寒朝食暮吐暮食朝吐巢氏浪分五噎十膈支派煩多惑人滋甚惟張雞峯以為神思間病法當內觀靜養斯言深中病情大抵氣血虧損復因悲思憂恚則脾胃受傷血液漸耗鬱氣生痰痰則塞而不通氣則上而不下妨礙道路飲食難進噎塞所由成也脾胃虛傷運行

失職不能熟腐五穀變化精微朝食暮吐暮食朝吐食雖入胃復反而出反胃所由成也二者皆在膈間受病故通名為膈也噎塞之吐即潔古之上焦吐反胃之吐即潔古之下焦吐王太僕云食不得入是有火也食入反出是無火也噎塞大都屬熱反胃大都屬寒然亦不可拘也脉大有力當作熱治脉小無力當作寒醫色之黃白而枯者為虛寒色之紅赤而澤者為實熱以脉合證以色合脉庶乎無誤經曰能合色脉

可以萬全此證之所以疑難者方欲健脾胃理痰
 恐燥劑有妨于津液方欲養血生津恐潤劑有
 礙于中州審其陰傷火旺者當以養血為亟脾
 傷陰盛者當以溫補為先更有憂患盤礴火鬱
 閉結神不大衰脉猶有力當以倉公河間之法
 下之小小湯丸累累加用關扁自透膈間痰盛
 微微涌出因而治下藥勢易行設或不行審鹽
 下導始終勾引自然宣通此皆虛實陰陽之辨
 臨證之權衡也或泥于金匱局方而偏主辛溫

或泥于玉機心法而偏主清潤凡若是者皆賴
 病合法耳豈云法治病乎

次證年滿六旬者難治稟厚善守禁忌尊糞如

羊屎者不治 口吐白沫者不治 胸腹嘈痛
 如刀割者死

脉候緊而滑者吐逆 小弱而濇者反胃 沉

緩無力或大而弱為氣虛 數而無力或濇小
 為血虛 弦為痰 滑為痰 寸緊尺濇胸滿

不能食而吐 難經曰脉革則吐逆

醫案

邑宰張孟端夫人憂怒之餘得食輒噎胸中隱
隱痛余診之曰脉緊且滑痰在上脘用一陳加
薑汁竹瀝長公伯元曰半夏燥乎余曰濕痰滿
中非此不治遂用四劑病尚不減改大半夏湯
服四貼胸痛乃止又四貼而噎亦減服二十劑
而安若泥半夏為燥而以他藥代之豈能愈乎
惟痰不盛形不肥者不宜與服也

江右太學方春和年近五旬多慾善怒患噎三

月日進粉飲一鍾腐漿半鍾且吐其半大脉細
軟此虛寒之候也用理中湯加人乳薑汁白蜜
半夏一劑便減十劑而日進糜粥更以十全大
補加竹歷薑汁四十貼諸證皆愈

南都徐奉誠膈噎不通渣質之物不能下咽惟
用人乳醇酒數杯吐沫不已求治于余余曰口
吐白沫法在不治脉猶未敗姑冀萬一用人參
黃耆當歸白朮陳皮桃仁牛乳白蜜薑汁連進
十劑白沫漸少倍用參朮三月全安

嘉定錢遠之二十五歲以鼓盆之戚悲哀過度不能食飯又十餘日粥亦不能食隨食隨吐二便閉澀自謂必死求診于余余曰脉按有力非外證也以酒蒸大黃加桃仁當歸砂仁陳皮蜜丸與服凡五服而下燥尿乾血甚多病若失矣數日之間能食倍常

大半夏湯 治肥人痰盛胃反嘔吐

半夏湯洗 人參三錢 白蜜三錢

水三鍾和蜜揚之二百四十遍煎至八分服

香砂寬中湯 治氣滯膈痞胃寒噎塞

木香磨 白木炒 陳皮

香附各一錢五分 白豆蔻 砂仁

青皮 檳榔 半夏麴

茯苓各一錢 厚朴薑製一錢二分 甘草三分

水二鍾薑三片煎一杯入蜜少許食前服

補氣運脾丸 治脾虛噎塞

人參二錢 白朮三錢 橘紅

茯苓各一錢五分 黃耆一錢 砂仁八分

甘草四分 半夏一錢無痰去之

水二鍾薑三片棗一枚煎一鍾食遠服

滋血潤腸湯 治血枯及瘀血在膈大便燥結

當歸酒洗三錢 芍藥煨 生地黄各一錢五分

紅花酒洗 桃仁去皮尖炒 大黃酒煨

枳殼炒各一錢

水鍾半煎七分入韭汁半酒鍾食前服

人參利膈丸 治血少便燥膈氣之聖藥也

木香 檳榔各七錢半 人參

當歸酒洗 藿香 甘草

枳實炒各一兩 大黃酒蒸 厚朴薑製各二兩

為末水為丸桐子大每服三錢白湯下

丁沉透膈湯 治虛寒嘔吐噎塞不通

白朮二錢炒 香附炒 砂仁

人參各一錢 丁香 麥蘖

木香 肉果 白豆蔻

青皮各五分 沉香 厚朴薑製

藿香 陳皮各七分半 甘草炙一錢五分

醫宗心竅 卷之七

半夏湯洗七次 神麩炒 草果各二分半

水二鍾薑三片棗一枚煎八分服

秦川剪紅丸 治蟲血成膈氣

雄黃別研 木香各五分 檳榔

三稜煨 蓬朮煨 貫仲去毛

乾漆炒煙盡 陳皮各一兩 大黃一兩五錢

為末麵糊丸桐子大每服五十九米飲下

四生丸 治一切結熱

北大黃去皮酒潤一兩 黑丑淨取頭末一兩 皂角去皮生用一兩

芒硝 五錢

為末水丸梧子大每服二三十九白湯下

昆布丸 治噎塞妨礙飲食不下

昆布洗出鹹水 麥門冬去心 天門冬去心

訶黎勒各一兩半 木通 大黃微炒

朴硝 郁李仁去皮微炒 桂心

百合各一兩 羚羊角 杏仁去皮尖炒 柴胡

蘇子炒 射干各五錢

陳皮去白 檳榔各二錢半

醫宗心竅

卷之七

三

反胃壅痛

為末，蜜丸，桐子大，每服三十九，薑湯下。

柿餅燒灰存性，酒服

白水牛喉去兩頭，節并筋膜，節節取下，米醋一

甘蔗汁二薑汁每服一碗，日三服，即不吐。

驢尿熱服，半鍾，日服二次，便不吐。

雄猪脂烘乾，為末，每服三錢，酒下。

猫胞一具，烘乾，為末，水調服，即效。

千葉白槿花陰乾，為末，老米湯調送

蘆根五兩水二杯煎之，尤效

杵頭糠布包，時時拭齒，另煎湯時時呷之，效

補中益氣湯見類理中湯

凡反胃，證得藥而愈者，切不可便與粥飯，惟以

人參五錢，陳皮二錢，老黃米一兩，作湯細啜，

旬日之後，方可食粥，倉廩未固，不宜便進米

穀，常致不救。

醫宗必讀
卷之七
癰疾

癰疾

黃帝曰癰瘡皆生于風其畜作有時者何也
凡瘡皆各發昔人之解多非也畜者伏也作者發也岐伯對曰癰之始發也
先起于毫毛伸欠乃作寒慄鼓頷腰脊俱痛寒
去則內外皆熱頭痛如破渴欲冷飲起于毫毛者發寒毛
豎也伸欠也陰陽上下交爭虛實更作陰陽相移
也陽虛則外寒陰虛則內熱陽盛則外熱陰盛則內寒邪入于陰則陰實陽虛邪入于陽則陽實陰虛故虛實更陽并于陰則陰實而陽虛
陽明虛則寒慄鼓頷也巨陽虛則腰背頭項痛

醫宗必讀
卷之七
癰疾

三陽俱虛則陰氣勝骨寒而痛寒生于內故中外皆寒陽盛則外熱陰虛則內熱外內皆熱則喘而渴故欲冷飲也皆得之夏傷于暑熱氣盛藏于皮膚之內腸胃之外此營氣之所舍也令入汗空疎腠理開因得秋氣汗出遇風及得之以浴水氣舍于皮膚之內與衛氣并居陽暑傷氣其證多汗感而即發邪不能留陰暑無汗故留藏也瘧必因于盛暑貪涼不避風寒或浴涼水或食生冷壯者邪不能干怯者舍于營衛但外感于寒者多為瘧內傷于冷者多為痢也衛氣者日行于陽夜行于陰此氣得陽而外出得陰

而內薄內外相薄是以日作其氣之舍深內薄于陰陽氣獨發陰邪內著陰與陽爭不得出是以間日而作也其氣之舍深則邪在藏矣在府者其行速在藏者其行遲故間日而邪氣客于風府循膂而下衛氣一日一夜大會于風府日下一節故其作也晏此先客于脊背也每至于風府則腠理開邪氣入則病作以此日作稍益晏也其出于風府日下一節二十五日下至骶骨二十六日入於脊內注于伏膂之內項骨三節脊骨二十一節共二十四節邪氣自風府日下一節二十五日下至

四 瘧疾

尾骶復自後而前故二十六日入于脊內以注伏膂之脈其氣上行九日出于缺盆之中其氣日高故作日益蚤也邪在伏膂循脊而上無關節之阻故九日而出缺盆其氣日高則自陰就陽其邪日退故作漸蚤也邪氣內薄于五藏橫連募原其道遠其氣深其行遲不能與衛氣俱行不得皆出故間日乃作也此重也文未盡夏傷于暑其汗大出腠理開發因淒滄之義也

水寒藏于皮膚之中秋傷于風則病成矣水寒者浴水乘涼也因暑受寒汗不得出夫寒者陰寒邪先伏于皮膚得秋風而病發矣氣也風者陽氣也先傷于寒而後傷于風故先

寒而後熱也病以時作名曰寒瘧先傷于風而後傷于寒故先熱而後寒也亦以時作名曰溫瘧但熱而不寒者陰氣先絕陽氣獨發則少氣煩冤手足熱而欲嘔名曰瘧瘧○其間二日者邪氣與衛氣客于六府而有時相失不能相得故休數日乃作也客猶會也邪在六府則氣遠會希故間二日或休數日也

觀此則丹溪所謂子午卯酉日為少陰瘧寅申巳亥為厥陰瘧辰戌丑未為太陰瘧非矣子午雖日少陰而卯酉則陽明矣巳亥雖日厥陰而寅申則少陽矣丑未雖日太陰而辰戌則太陽矣二日發者猶可以此為言四日作者又將何以辨之殊屬牽強按此施治未必無誤不可以

為訓也。帝曰：夏傷于暑，秋必病瘧。今瘧不必應者，何也？岐伯曰：此應四時者也。其病異形者，反四時也。秋瘧應四時者，也。春夏冬之瘧，病形多異，四時皆能為瘧也。秋病者，寒甚，冬病者，寒不甚。陽氣伏于內也。春病者，惡風，夏病者，多汗。○溫瘧者，得之冬中，于風寒。所以傷寒門有溫瘧氣藏于骨髓，至春則陽氣大發，邪氣不能自出，因遇大暑，腦髓燥，肌肉消，腠理發泄，或有所用力，邪氣與汗皆出，此病藏于腎，其氣先自內出之，于外也。如是者，陰虛而陽盛，陽盛則熱矣。衰則

氣復，返入入則陽虛，陽虛則寒矣。故先熱而後寒，瘧瘧者，肺素有熱，氣盛于身，厥逆上衝，中氣實而不外泄，有所用力，腠理開，風寒舍於皮膚之內，分肉之間，而發發則陽氣盛，其氣不及于陰，故但熱而不寒。
愚按：經言夏傷于暑，秋為瘧瘧，又言瘧瘧皆生于風，又言風寒之氣不常，又言汗出遇風及得之，以浴，此皆以風寒暑濕為言也。語溫瘧則曰風寒中腎，語瘧瘧則曰肺素有熱。夫冬寒既可

以中腎則心肝脾肺四藏獨無令氣之邪可以入客乎肺熱既可以入瘧則肝脾心腎之氣鬱而為熱者獨不可以成瘧乎然語六氣者道其常語五藏者盡其變也須知風與暑陽邪也寒與水陰邪也風者陽中之涼氣也暑者熱中之寒邪也由是則四者皆屬於寒夫夏傷於暑汗出腠開當風浴水淒滄之寒伏于皮膚及遇秋風新涼束之表邪不能外越陰欲入而陽拒之陽欲出而陰遏之陰陽相薄而瘧作矣淺者病

在三陽隨衛氣以為出入而一日一作深者病在三陰邪氣不能與衛氣並出或間日或三四日而作作愈遲者病愈深也經之論瘧無漏義矣而仁齋丹溪又分痰與食飲與血瘴與勞與乳此不過瘧之兼證耳非因而成瘧者也故治瘧者察其邪之淺深證之陰陽令其自藏而府散而越之邪去則安古法有汗欲其無汗養正為先無汗欲其有汗散邪為急然邪在陽者取汗易邪在陰者取汗難必使由陰而陽由晏而

蚤乃得之也又熱多者涼藥爲君寒多者溫藥
爲主至于痰食血飲瘴勞與物之七證各隨其
甚者而兼理之世俗又有鬼瘡之名此爲時行
疫氣投平胃散無不截者總之脈實證實者攻
邪以治標脈虛證虛者補正以治本久瘡必虛
惟人參生薑各一兩連投二服于未發之前莫
不應吾取效貧困者白朮可代血虧者當歸可
代近世不明表裏虛實輒用知母石膏苓連梔
栢若表未解而得此寒涼則寒邪愈固或用常

山草果巴豆砒雄若正已虛而得此尅伐則元
氣轉虛故夫綿延不已者皆醫之罪耳豈病之
咎耶

發散瘡疾多因風寒暑濕天之邪氣所傷當分
經絡而發汗其七情痰食水血皆兼見之候隨
證治之

風瘡惡寒自汗煩躁頭疼必先熱後寒宜柴胡
蘇葉細辛白芷羌活生薑之類

溫瘡受冬月之寒復因暑風而發亦先熱後寒

醫心方卷之十

如熱多者小柴胡湯寒多者小柴胡湯加桂

寒瘧納涼之風寒沐浴之水寒先受于腠中復

因秋風涼肅而發先寒後熱宜羌活紫蘇生薑

之類散其太陽之邪次用柴胡湯近來不問何

經但用柴胡者非也

瘧瘧肺素有熱陰氣先絕陽氣獨發少氣煩寃

手足熱而嘔此但熱而不寒盛暑發者人參白

秋涼發者小柴胡湯

濕瘧汗出溼浴或員雨或濕襲其證身體重而

痛嘔逆脹滿胃苓湯加羌活紫蘇

孔瘧陽氣素虛當盛暑時乘涼飲冷陰盛陽虛

故但寒而不熱也柴胡薑桂湯

食瘧或肥甘無度或生冷受傷食滯痰生其證

饑而不能食食則脹滿嘔吐腹痛青皮草果荳

蔻砂仁神麴山查之類

瘧瘧嶺南地方天氣炎山氣濕多有嵐瘧之毒

發時迷悶甚則狂矣亦有不能言者皆由血瘀

于心涎聚于脾須疎通大府涼膈散或小柴胡加

大黃木香

瘧疾

勞瘧或素有弱證或因瘧成癆十全大補湯有熱者去桂

瘧母治之失宜營衛虧損邪伏肝經脇下有塊

此證當以補虛為主每見急于攻塊者多致不

救六君子湯加木香肉桂蓬朮鼈甲

鬼瘧俗以夜發者為鬼瘧非也邪入陰分發於

六陰宜四物湯加知母紅花升麻柴胡提起陽分方可截之惟

時行不正之氣真鬼瘧也宜平胃散加雄黃批仁

瘧法瘧發四五遍後曾經發散者方可截之

何首烏散常山飲獨蒜丸久瘧大虛者人參一兩生薑二兩連進二服若病

邪初起未經發散遽用酸收劫止之劑必致綿延難愈或變成他證不可不謹也

脈候瘧脈自弦 弦數多熱 弦遲多寒 弦

而浮大可吐之 微則為虛 代散者死

醫案

太史楊方壺瘧發間日脈見弦緊兩發後苦不可支且不能息口便懇截之余曰邪未盡而強截之未必獲效即使截住必變他證不若治法得所一二劑間令其自止升麻柴胡各二錢提

陽氣上升使遠于陰而寒可止黃芩知母各一錢五分引陰氣下降使遠于陽而熱自巳以生薑三錢劫邪歸正甘草五分和其陰陽一劑而減半再劑而竟止矣

新安程武修患瘧每自一發自巳午時起直至次日寅卯而熱退不踰一時則又發矣巳及一月困頓哀苦命兩郎君叩首無筭以求速愈余曰頭痛惡寒脈浮而大表證方張此非失汗必誤截也武脩云寒家素有截瘧丸百發百中弟

服之病勢增劇何也余曰邪未解而遽止之邪不能伏請以八劑四白服盡決效耳石膏黃芩各三錢抑陽明之熱使其退就太陰白豆蔻三錢生薑五錢救太陰之寒使其退就陽明脾胃為夫妻使之和合則無陰陽乖亂之愆半夏檳榔各一錢五分去胸中之痰蘇葉二錢發越太陽之邪乾葛一錢斷入陽明之路甫三劑而瘧止改用小柴胡倍人參服四劑補中益氣服十劑而瘧

相國沈銘鎮丙辰秋患瘧吐衄悶不思食六脉
 沉細余曰瘧傷太陰中寒就動也用理中湯加
 身梅三个黃連五分進四劑後胸中豁然寒熱
 亦減就亦不吐夫黃連加黃者二錢生薑五錢
 五劑而瘧止以手書謝云蚤年攻苦即有寒中
 之患醫者但明疎氣不解扶陽積困于今雖當
 盛暑寒冷不敢沾唇此獨不肖自知之耳瘧發
 就動幾為性命之憂幸老年任隔垣之脈一七
 回春豈第超邁庸儔直當上參和扁嗣此有生

謝非慈造錯之焦府與日倍長矣

清脾飲 治瘧疾脉來弦數或但熱不寒或熱多寒少口苦咽乾小便赤澀

青皮 炒 厚朴 薑製 白朮 炒黃

黃芩 草果 各八分 柴胡

茯苓 半夏 各一錢半 甘草 五分

水二鍾生薑五片煎一鍾服 近來不問虛實槩用此湯過矣

白虎加桂枝湯 治但熱不寒及有汗者

知母 一錢二分 桂枝 五分 甘草 五分

粳米 一錢 石膏 五錢

水鍾半煎八分服

參蘇飲

方見傷風

小柴胡湯

方見傷寒

補中益氣湯

方見類中

風涼膈散

方見中風

理中湯

方見傷寒

十全大補湯

六

君子湯

方見虛勞

香薷飲

方見中暑

二米柴葛湯

諸瘧必用

白朮炒焦

蒼朮炒

柴胡

陳皮各七分

甘草四分

葛根

水鍾半生薑五片煎八分服

一日一發及

午前發邪在陽分加枯苓茯苓半夏熱甚口

渴加石膏知母麥門冬間日或三四日發或

午後及夜發者邪在陰分加四物湯酒炒黃

耆紅花提起陽分方可截之脉虛神倦加人

參黃耆傷食者加神麩麥芽山查黃連痰多

加生薑半夏要截加檳榔常山烏梅

常山飲

治瘧疾在胸用此吐之若用砒霜之類即使瘧愈脾胃受傷須用此湯為穩

常山一兩酒炒

水二鍾煎一鍾空心服

若酒浸一宿多炒透熟即不吐

露薑飲 治痰瘧寒瘧

生薑 四兩 連皮搗汁 一碗露 一宿空心服

交加雙解飲子 治瘴瘧神效

肉豆蔻 二大枚 草豆蔻 二枚 厚朴 五錢

甘草 四錢 生薑 四錢

水一鍾煎一鍾空心服 五藥俱一 生一半熟

瘧母丸 元氣不甚虛者宜此

青皮 桃仁 紅花

麥芽 各二兩 鼈甲 四兩 醋炙 海粉

香附 三稜 蓬朮 各一兩半

十味俱用醋煮神麩糊為丸桐子大每服三錢薑湯送下

祛瘧飲 三發後可用因其衰而減之立效

知母 去毛酒炒五錢 貝母 去心九分 陳皮 去白

山查肉 枳實 各一錢 檳榔 八分

柴胡 去蘆七分 紫蘇 一錢 甘草 去皮炙三分

水一鍾煎一鍾渣用水一鍾煎八分俱露一

宿臨發日五更服頭煎未發前一時服二煎

截瘧飲 虛人久瘧不止此極極效

醫宗金鑑 卷之十

黃耆

酒炙 二錢

人參

白朮

炒

茯苓

各一錢 五分

砂仁

草果

橘紅

各一錢

五味子

八分

甘草

六分

烏梅

三個

水二鍾生薑十大片棗二枚煎一鍾服

何首烏忌鐵為末酒調下三錢臨發先服

或煎湯服

獨蒜十二枚

煨

桃仁

一百粒去皮尖炒

搗爛入黃丹丸

如菘豆大每服九九發日五更面東酒送

桃仁一味研爛不犯水加黃丹丸五月五日

合日

常山末二錢

酒浸炒透即不發吐

烏梅肉

四枚

研爛為丸此

截癘必效之方世俗畏常山發吐不知其有

神功但炒透即不吐耳

生薑甲

不見湯煮者

醋炙黃為末烏梅肉為丸每服

三錢必效

醫宗金鑑 卷之十

至

癘疾

痢疾

經名腸澼
古稱滯下

帝曰腸澼便血何如岐伯曰身熱則死寒則生
腸中下痢曰腸澼便血者赤痢也陽勝陰
 衰則身熱故死營氣未傷則身不熱故生帝曰
 腸澼下白沫何如岐伯曰脉沉則生脉浮則死
白沫者白痢也病屬陰而見陰脉為順故沉則
 生陽脉為逆故浮則死有屬熱者不拘此例
 帝曰腸澼下膿血何如岐伯曰脉懸絕則死滑
 大則生膿血者赤白兼下也懸絕者脉至如絲
 懸懸欲絕也邪實正虛故死滑因血盛
 氣未傷帝曰身不熱脉不懸絕何如岐伯曰滑
 大者曰生懸澹者曰死以藏期之身不熱脉不
 懸絕皆非死

候也若不滑而澹不大而小仍成證也故滑大為生澹小為死也以藏期之者肝見庚辛死心見壬癸死肺見丙丁死脾見甲乙死腎見戊己死也

愚按痢之為證多本脾腎脾司倉廩土為萬物之母腎主蟄藏水為萬物之元二藏皆根本之地投治少差冤沉幽冥究其疵誤皆寒熱未明虛實不辨也晚近不足論即在前賢頗有偏僻如局方與復庵例行辛熱河間與丹溪專用苦寒何其執而不圓相去天壤耶夫痢起夏秋濕蒸熱鬱本乎天也因熱求涼過吞生冷由于人

也氣壯而傷于天者鬱熱居多氣弱而傷于人者陰寒為甚濕土寄旺四時或從于火則陽土有餘而濕熱為病經所謂墩阜是也或從于水則陰土不足而寒濕為病經所謂卑監是也言熱者遺寒言寒者廢熱豈非立言之過乎至以赤為熱白為寒亦非確論果爾則赤白相兼者豈真寒熱同病乎必以見證與色脉辨之而後寒熱不淆也須知寒者必虛熱者必實更以虛實細詳之而寒熱愈明耳脹滿惡食急痛懼按

者實也煩渴引飲喜冷畏熱者熱也脈強而實者實也脈數而滑者熱也外此則靡非虛寒矣而相似之際尤當審察如以口渴為實熱似矣不知凡係瀉痢必亡津液液亡于下則津涸于上安得不渴更當以喜熱喜冷分虛實也以腹痛為實熱似矣不知痢出于藏腸胃必傷膿血剝膚安得不痛更當以痛之緩急按之可否藏之陰陽腹之脹與不脹脈之有力無力分虛實也以小便之黃赤短少為實熱似矣不知水從

痢去洩必不長液以陰亡溺因色變更當以便之熱與不熱液之潤與不潤色之澤與不澤分虛實也以裏急後重為實熱似矣不知氣陷則倉廩不藏陰亡則門戶不閉更當以病之新久質之強弱脈之盛衰分虛實也至于治法須求何邪所傷何藏受病如因于濕熱者去其濕熱因于積滯者去其積滯因于氣者調之因于血者和之新感而實者可以通因通用久病而虛者可以塞因塞用是皆常法無待言矣獨怪世

之病痢者十有九虛而醫之治痢者百無一補
氣本下陷而再行其氣後重不益甚乎中本虛
衰而復攻其積元氣不愈竭乎濕熱傷血者自
宜調血若過行推蕩血不轉傷乎津亡作渴者
自宜止泄若但與滲利津不轉耗乎世有庸工
專守痛無補法且曰直待痛止方可補耳不知
因虛而痛者愈攻則愈虛愈痛矣此皆本末未
明但據現在者為有形之疾病不思可慮者在
無形之元氣也請以宜補之證悉言之脈來微

弱者可補形色虛薄者可補疾後而痢者可補
因攻而劇者可補然而尤有至要者則在脾腎
兩藏如先瀉而後痢者脾傳腎為賊邪難療先
痢而後瀉者腎傳脾為微邪易醫是知在脾者
病淺在腎者病深腎為胃關開竅于二陰未有
久痢而腎不損者故治痢不知補腎非其治也
凡四君歸脾十全補中皆補脾虛未嘗不善若
病在火衰土位無母設非桂附大補命門以復
腎中之陽以救脾家之母則飲食何由而進門

戶何由而固真元何由而復耶若畏熱不前僅以參朮補土多致不起大可傷矣

積分新舊 舊積者濕熱食痰也法當下之新積者下後又生者也或調或補不可輕攻若因虛而痢者雖舊積亦不可下但用異功散虛回而痢自止丹溪有先用參朮補完胃氣而後下者亦一妙法也虛者宜之

色黑有二 焦黑者熱極反兼勝已之化芍藥湯 黑如漆之光者瘀血也桃仁承氣湯

裏急

裏急而不得便者火也重者承氣湯輕者芍藥湯 裏急

頻見

頻見汚衣者虛也補中益氣湯去當歸加肉果

後重

邪迫而後重者至圍稍減未幾復甚芍藥湯

虛滑

而後重者圍後不減以得解愈虛故也真人

養藏

下後仍後重者當甘草緩之升麻舉之

虛坐努責

虛坐而不得大便血虛故裏急宜歸

身地

黃芍藥陳皮之屬

噤口

食不得入到口即吐有邪在上膈火氣冲

逆者

黃連木香桔梗 有胃虛嘔逆者治中 有陽

醫宗必讀

卷之七 痢疾

氣不足宿食未消者理中湯加砂仁有肝氣嘔

吐者木香黃連吳茱萸有水飲停聚者輕者五苓散重

者加青皮芍藥之類甘遂有積穢在下惡氣薰蒸者承氣湯石蓮為末

陳米湯調下石蓮即是蓮子之老者丹溪用人

參黃連濃煎加薑汁細細呷之如吐再吃但得

一呷下咽便開

休息痢屢止屢發久不愈者名曰休息多因兜

澁太早積熱未清香連丸加參末有調理失宜

者隨證治之有虛滑甚者椿根白皮東引者水

浸一日去黃皮每兩配人參一兩煨木香一錢

粳米三錢煎湯飲之或大斷十九

腹痛因肺金之氣鬱在大腸之間宜桔梗開之

白芍藥甘草陳皮木香當歸為主惡寒加乾薑

惡熱加黃連

肛門痛熱留于下宜槐花木香挾寒者理中湯

蟻虫痢其形極細九蟲之一也胃弱腸虛則蟻

蟲乘之或癢或從穀道中溢出雄黃銳散內服

桃仁槐子蕪黃

次證下純血者死 如屋漏水者死 大孔如
竹筒者死 唇若塗硃者死 發熱不休者死
色如魚腦或如猪肝者皆半死半生 脉細皮
寒氣少泄利前後飲食不入是謂五虛死惟用
參附十可救一
脉候沉小微細者吉洪大滑數者凶 仲景云
沉弦者重脉大者爲未止微弱者爲欲自止雖
發熱不死

醫案

屯院孫瀟湘夫人下痢四十日口乾發熱飲食
不進腹中脹悶完穀不化尚有謂其邪熱不殺
穀者計服香連枳殼豈菀厚朴等三十餘劑絕
穀五日命在須臾迎余診之脉大而數按之豁
然詢得腹痛而喜手按小便清利此火衰不能
生土內真寒而外假熱也亟煎附子理中湯水
冷與服一劑而痛止六劑而熱退食進兼服八
味丸二十餘日霍然起矣

淮安郡侯許同生令愛痢疾腹痛脉微而軟余

醫宗少微 卷之十一
曰此氣虛不能運化精微其窘迫後重者乃下
陷耳用升陽散火湯一劑繼用補中益氣湯十
劑即愈

文學顧偉男之內痢疾一月諸藥無功余診之
曰氣血兩虛但當大補痢家藥品一切停廢以
十全大補連投十劑兼進補中益氣加薑桂二
十餘劑而安

兵尊張綱庵秋間患痢凡香連枳朴等劑用之
兩月而病不衰余診之滑而有力失下之故也

用香連歸芍陳皮枳殼加大黃三錢下穢物頗
多診其脉尚有力仍用前方出積滯如魚腸者
約數碗調理十餘日而痊

撫臺毛孺初痢如魚腦腸鳴切痛聞食則嘔所
服皆苓連木香菖蒲藿香橘紅芍藥而已後有
進四君子湯者疑而未果飛艇相招兼夜而往
診得脉雖洪大按之無力候至右尺倍覺濡軟
余曰命門火衰不能生土亟須參附可以回陽
孺翁曰但用參朮可得愈否余曰若無桂附雖

進參朮無益于病且脾土大虛虛則補母非補
火乎遂用人參五錢熟附一錢五分炮薑一錢
白朮三錢連進三劑吐止食粥再以補中益氣
加薑附十四劑後即能視事
大黃湯 治膿血稠粘裏急後重腹痛脉實

錦紋大黃 一兩

好酒二鍾浸半日煎至鍾半去渣分二次服
芍藥湯 經曰溲而便膿血知氣行而血止也行
血則便膿自愈調氣則後重自除
芍藥 一錢
當歸 五分
黃連

黃芩 各八分

大黃 一錢

桂 五分

甘草 炒

檳榔 各四分

木香 五分

水二鍾煎一鍾服痢不減漸加大黃

白朮黃芩湯 服前藥痢雖除更宜調和

白朮 三錢 土炒

黃芩 二錢

甘草 一錢

水鍾半薑二片煎八分服

承氣湯 見傷寒 藿香正氣散 見中風 蘇合香丸 見中風

黃連丸

乾薑 炮

黃連 炒

砂仁 炒

川芎

阿膠蛤粉炒

白朮各一兩

乳香另研三錢

枳殼麩炒五錢

為末鹽梅三箇取肉少入醋丸如桐子大每

服二錢白湯送下食前服

蒼朮地榆湯 治脾經受濕下血痢

蒼朮六錢炒 地榆二錢

水二鍾煎一鍾服

鬱金散 治熱毒痢下血不止

真鬱金 槐花炒各五錢 甘草炙二錢五分

右為細末每服二錢食前豆豉湯調下

芍藥黃芩湯

黃芩 芍藥各二錢 甘草一錢

水鍾半煎八分服

香連丸

黃連二十兩吳茱萸十兩水拌同炒令赤去茱萸 木香四兩八錢

右為細末醋糊丸桐子大每服三錢空心米

湯送下

導氣湯

醫門金要 卷之十

木香 檳榔 黃連 各六分

大黃 黃芩 各一錢五分 枳殼 炒一錢

芍藥 六錢 當歸 三錢

分二服 水二鍾煎一鍾 食前服

真人養藏湯 治虛寒痢疾久而不愈

人參 白朮 炒 當歸 各六分

白芍藥 木香 各一錢 甘草 炙

肉桂 各八分 肉果 麵裹煨 粟殼 蜜炙 各三錢

訶子肉 二錢

水二十鍾煎一鍾 食前溫服

理中湯 見傷寒 治中湯 即理中湯加陳皮青皮

補中益氣湯 異功散 四君子湯

十全大補湯 歸脾湯 俱見虛癆

倉廩湯 治噤口痢乃熱毒冲心

人參 茯苓 甘草 炙

前胡 川芎 羌活

獨活 桔梗 柴胡

枳殼 陳倉米 各八分

空三 痢疾

水二鍾生薑三片煎一鍾服

訶梨勒丸 治休息痢

檮白皮 二兩 訶子 五錢 母丁香 三十粒

為末糊丸梧子大每服三十錢陳米湯入醋少許送十日三服效

蕪荑丸 治久痢及下部有蟲

蕪荑 黃連 各二兩 蚺蛇膽 五錢

為末蜜丸梧子大每服二錢食前杏仁湯下瓜萋散 治五色痢久不愈

瓜萋 一枚黃色者炭火煨存性蓋地上宿出火毒

右研細末作一服溫酒調下

大斷下丸 治藏寒久痢

高良薑 一兩 牡蠣 煨一兩 附子 製一兩

乾薑 炮一兩 細辛 一兩 龍骨 研

赤石脂 枯礬 肉豆蔻 麴

訶子肉 各一兩 石榴皮 醋浸炒黃

右為細末醋糊丸桐子大每服三十錢米湯下

醫宗金鑑 卷之十

泄瀉

經曰春傷於風夏生飧泄邪氣留連乃為洞泄

肝應于春屬木主風春傷于風肝受邪也木旺則賊土夏令助其濕氣則生飧泄發泄者下利

清穀也邪氣久而不去脾土大虛水來侮之則倉廩不藏而為洞泄洞泄者下利清水也又

曰清氣在下則生飧泄清氣木上亢虛則陷下

又曰濕勝則濡泄土強制水濕邪不干腸胃又自固土虛濕勝濡泄至矣

曰暴注下迫皆屬於熱暴注者卒暴注泄也腸胃疾速故如是也下迫者後重裏

急也火性急速而能燥物故也諸病水液澄澈清冷皆屬于寒

醫宗金鑑

卷之十

泄瀉

泄瀉

夫火熱之證必以暴至水寒之證必以漸成故曰暴泄非陰久泄非陽也

愚按內經之論泄瀉或言風或言濕或言熱或言寒此明四氣皆能為泄也又言清氣在下則生飧泄此明脾虛下陷之泄也統而論之脾土強者自能勝濕無濕則不泄故曰濕多成五泄若土虛不能制濕則風寒與熱皆得于之而為病治法有九一曰淡滲使濕從小便而去如農人治澇導其下流雖處卑隘不憂巨浸經云治濕不利小便非其治也又云在下者引而竭之

是也一曰升提氣屬于陽性本上升胃氣注迫輒爾下陷升柴羌葛之類鼓舞胃氣上騰則注下自止又如地上洩澤風之即乾故風藥多燥且濕為土病風為木藥木可勝土風亦勝濕所謂下者舉之是也一曰清涼熱淫所至暴注下迫苦寒諸劑用滌燔蒸猶當溽暑伊鬱之時而商飈颯然倏動則炎歛如失矣所謂熱者清之是也一曰疎利痰凝氣滯食積水停皆令人瀉隨證祛逐勿使稽留經云實者瀉之又云通因

通用是也。一曰甘緩瀉利不已急而下趨愈趨愈下泄何由止。甘能緩中善禁急速且稼穡作甘甘為土味所謂急者緩之是也。一曰酸收瀉下有日則氣散而不收無能統攝注泄何時而已酸之一味能助收肅之權經云散者收之是也。一曰燥脾土德無慙水邪不濫故瀉皆成于土濕濕皆本于脾虛倉廩得職水穀善分虛而不培濕淫轉甚經云虛者補之是也。一曰溫腎腎主二便封藏之本况雖屬水真陽寓焉少火

生氣火為土母此火一衰何以運行三焦熟腐五穀乎故積虛者必挾寒脾虛者必補母經云寒者溫之是也。一曰固澁注泄日久幽門道滑雖投溫補未克奏功須行澁劑則變化不愆揆度合節所謂滑者澁之是也。夫是九者治瀉之太法業無遺蘊至如先後緩急之權豈能豫設須臨證之頃圓機靈變可以胥天下于壽域矣

難經五泄

胃泄飲食不化色黃承氣湯脾泄腹脹

滿泄注食即嘔吐建中湯太腸泄食已窘迫太

便色白腸鳴切痛乾薑附子湯小腸泄洩而便膿血

少腹痛承氣湯大瘕泄裏急後重數至圍而不能

便莖中痛承氣湯

腎泄五更溏洩久而不愈是腎虛失閉藏之職

也五味子散亦有食積者香砂枳木丸寒積理中湯宜酒夜飯前進

積葛花解醒湯

驚泄中寒糟粕不化色如鴨糞澄澈清冷小便

清白附子理中湯

殭泄水穀不化而完出也史記多過風風邪干胃木

來賊土清氣在下升陽除濕湯

洞泄一名各瀉下多水也胃苓湯水液去多甚而轉

筋血傷故筋急也升陽除濕湯

痰泄痰留于肺大腸不固脉必弦滑以藥探吐

其人神必不瘁色必不衰或一陳湯加蒼术木香

火泄腹痛瀉水腸鳴痛一陣瀉一陣火也黃芩芍藥湯

湯張長沙謂之協熱自利

直腸泄食方入口而即下極為難治大斷下丸

脉候胃脉虛則泄脉滑按之虛者必下利

腎脉小甚為洞泄 肺脉小甚為泄 泄脉洪大者逆 下利日十餘行脉反實者死 腹鳴而滿四肢清泄其脉大者十五日死 腹大脹四末清脫形泄甚不及一時死 下則泄瀉上則吐痰皆不已為上下俱脫死

醫案

太宗伯董玄宰夏初水泄完穀不化曾服胃苓湯及四君子湯不效余曰經云春傷于風夏生飧泄謂完穀也用升陽除濕湯加入參二錢三

劑頓止

大司寇姚岱芝吐痰泄瀉見食則惡面色痿黃神情困倦自秋及春無劑帶投經久不愈比余診之口不能言亟以補中益氣去當歸加肉果二錢熟附一錢炮薑一錢半夏二錢人參四錢日進二劑四日而瀉止但痰不減耳余曰腎虛水泛為痰非八味丸不可應與補中湯並進凡四十日服人參一斤飲食大進痰亦不吐又半月而酬對如常矣

胃苓湯 一名對金飲子即五苓散平胃散二方合用也治暑濕停飲泄瀉小便不利

- 蒼朮 製一錢
- 厚朴 製
- 陳皮 各一錢
- 甘草 五分
- 白朮 八分
- 茯苓 一錢
- 澤瀉 各一錢
- 肉桂 三分
- 猪苓 一錢

水二十鍾薑三十片棗二枚煎八分服

藳苓湯 治夏月暑瀉欲成痢疾

- 香薷 一錢
- 黃連 薑汁
- 厚朴 薑汁
- 扁豆 炒各一錢
- 猪苓
- 澤瀉 各一錢
- 白朮 炒
- 茯苓 各八分
- 甘草 五分

水二十鍾生薑三片煎八分服

- 六一散 一名益元散 加紅麴名青六九
- 滑石 水飛 六兩
- 甘草末 一兩
- 新汲水調服

戊巳丸

- 黃連 酒炒 四兩
- 白芍藥 三兩
- 吳茱萸 泡炒 二兩
- 為末神麴和丸桐子大米飲送二十錢

升陽除濕湯 治受風發泄及虛弱不思食小便黃赤四肢困倦

- 蒼朮 一錢
- 柴胡
- 羌活
- 防風
- 神麴
- 澤瀉

猪苓各六分 陳皮 麥蘖

炙甘草各三分 升麻五分

水鍾半薑三片煎七分服

漿水散治暴瀉如水一身盡冷汗出脉弱氣少不能言甚者嘔吐此為急病

半夏二兩薑製 良薑二錢五分 乾薑炮

肉桂 甘草炙 附子炮各五錢

右為細末每服四錢水二十鍾煎一鍾服

連理湯即理中湯加黃連茯苓

人參 白朮各一錢五分 乾薑二錢炒

甘草炙五分 茯苓一錢五分 黃連一錢炒

水二杯煎一杯食遠服

茱萸斷下丸治藏府虛寒腹痛泄瀉大效

吳茱萸二兩炒 赤石脂 乾薑各一兩五錢

艾葉炒 縮砂仁 肉荳蔻

附子製各一兩

為末麵糊丸每服三十錢米飲送下

大斷下丸方見痢疾

固腸丸

樗皮四兩 醋炙 滑石二兩 水飛

為末粥丸此丸性燥滯氣未盡者勿服

補中益氣湯見類 四君子湯 六君子湯

異功散見虛 承氣湯 理中湯見傷

金匱腎氣丸見虛 八味丸見虛

四神丸 治脾腎虛寒大便不實飲食不思

肉果麵煨 補骨脂四兩 五味子二兩

吳茱萸浸炒

右為末生薑八兩紅棗一百枚煮熟取棗肉

去皮和丸如桐子大每服四錢空心米飲下

葛花解醒湯 治酒傷吐瀉

青皮三錢 木香五分 橘紅

人參 猪苓去皮 茯苓各一錢

神麴炒 澤瀉 乾薑炒

白朮各二錢 白芷各二錢 葛花

砂仁各五錢

右為細末每服三錢白湯調服得汗即愈

枳朮丸 消食止瀉

81
4941

醫心方卷之七

卷

枳實去瓢弊白朮二兩

右爲末荷葉裹燒飯爲丸如桐子大每服三錢白湯下用白朮者令胃強不復傷也加木香一兩砂仁一兩名香砂枳朮丸



